



176

358, 2






DISPUTATIO JURIDICA  
De  
TESTAMENTI  
accessoriis, legatis, & fideicom-  
missis particularibus,

Quam  
DEO VOLENTE  
Præside

Dn. LEOPOLDO HACHEL-  
MANN, J. U. D. & Facultatis Ju-  
ridicæ Ordinario, etc.

In Collegio Juratorum ad diem 5. Maji publi-  
co examini submitto,

FRANCISCUS A TROTТА,  
Eq. Misn.



TYPIS LAMBERGIANIS,  
Excudebat Johan Glück/

ANNO M. DC. XIV.



*Viro admodum reverendo, Magnifico, Strenuo, & verâ generis nobilitate, variarumq̃ rerum usu Nobilissimo*

Dn. CHRISTOPHORO ab Huncfe / Ecclesiæ Cathedralis Magdeburgensis Canonico primario & Thesaurario, &c.

*Vt &*

*Viris Magnificis, Strenuis ac Nobilissimis, eruditione, & experientiâ singulari præstantissimis*

Dn. WOLFGANGO à Breitenbauch / hereditario in S. Ulrich / Brandenstein und Steibentz / &c.

Dn. JOANNI à Breitenbauch in Ranitz, &c. fratribus germanis.

Dn. GEORGIO RUDOLPHO von Trotta / &c.

Dn, Mæcenatibus, affini, avunculis, fratri ac Patronis ætatem summè honorandis,

*Hanc disputationem juridicam in verum vera ac debite observantia ac amoris argumentum, studiorumq̃ quale quale testimonium inscribo ac voveo,*

Franciscus à Trotta,  
Resp.



THESIS I.



Legatum ut Sacratissimus Imperator Justinianus definit, est donatio quædam à defuncto relicta ab herede præstanda, *in pr. §. de legat. l. 36. ff. de legat. l. 1. l. 116. ff. de legat. l. 1.* Quæ definitio sat proba est, nec verba ejus finalia ceu supposititia, quomodo Doctores vulgo faciunt ex ea extirpamus.

II.

Legamus autem quatuor modis, per vindicationem; per damnationem, sinendi modo & per præceptionem. Per vindicationem his verbis; do, lego, capito, sumito, sive habeto. Per damnationem his verbis: heres meus damnas esto, dare, dato, facito, heredem meum dare jubeo. Sinendi modo his verbis: heres meus damnas esto sinere Lucium Titium sumere illam rem, sibiq; habere. Per præceptionem denique hoc modo: Lucius Titius illam rem præcipito. *Ulp. in fragm. tit. 24. de legat. Paul. 3. sent. c. 6. Cajus l. 2. tit. 5. 1. §. de b. tit.*

III.

Et quamvis omnibus legatis hodie sit una & eadem natura, non parum tamen interest novisse has differentias ad responsa ICtorum, quæ in Digestis extant, intelligenda. *§. 1. §. de legat. l. in legato 21. C. de legat. l. 1. l. 2. C. com. de legat. l. 15. l. 261. C. de test.*

IV.

Sunt autem legata exæquata fidei commissis, ita ut omnia, quæ naturaliter illis insunt, his etiam adherere intelligantur: Et contra quicquid fidei committitur, le-



gatum quoque esse censeatur. §. 3. *J. de legat. ibi omnia legata l. 3. C. com. de legat.*

V.

Quæ exæquatio non ex responsis prudentum, ut multi putant, neq; anteriorum Imperatorum Constitutionibus, sed legatione Justinianea est inducta, *d. l. 2. C. com. de legat. §. 3. J. de legat.*

VI.

Quod si tamen dixeris etiam post Justiniani Constitutionem specificam differentiam inter legata & fidei commissa, salvam remansisse, non erraveris, *d. l. 5. C. com. d. §. 3. J. de legat. & arg. tot. tit. de legat. & fidei.*

VII.

Exæquatio vera illa non ad universalia fidei commissa, ut alii perperam docuerunt, sed ad singularia, ut verior habet D d. sententia, tantum pertinet, *l. 1. ff. de legat. 2. facit buc l. 1. ff. ad Sc. Trebell.*

VIII.

Legata porrò & fidei commissa relinquere tantum possunt, quibus Testamenti condendi jus est, *l. 2. ff. de legat. 1. l. 1. in fin. pr. ibi quia nec testari potest: de legat. 3. l. 6. §. 3. de jur. Codicill. Ulp. in frag. tit. 25. §. 3.*

IX.

Rectè autem ab illis relinquitur, ad quos post mortem testatoris aliquid perventurum est, vel dum datur, vel dum non adimitur. Ab iis igitur, qui nihil acceperunt, nihil quoq; relinquere potest. *l. 1. §. pen. ff. de legat. 3. l. ab eo. 9. C. de fidei commiss. l. sed et si 6. §. 1. de legat. 3. arg. l. à patre ff. 10. l. 70. §. 1. de legat. 2.*

Acci-



## X

Accipere possunt legata quibus cum testamenti factio passiva est. § 24. *J. b. t.* § *in extremis* 4. *us. testam. ti autem* *J. de ber. qualit. & different. l. si seruo* 101. § 1. *de legat. 1.* Hodie etiam personæ incertæ, si modo ex exentu certificentur. § 25. *J. de legat. l. quidam relegatus* 5. *ff. de rebus dubiis. posthumus alienus* § 27. *J. b. testes in testamento adhibiti.* § *legatariis* 11. *J. de testam. ordinand. l. 20. ff. qui test. facere poss. l. 14. ff. de rebus dubiis.*

## XI.

Illud nihil interest, persona singularis sit, cui legatur, an corpus, vel aliud quodlibet licitum collegium. *l. 12. C. de ber. instit. l. 122. de legat. 1. l. 117. ff. eo. l. civibus 2 de reb. dub. l. 73. § 1. de legat. 1. l. 20. ff. eo. l. 26. ad SC. Trebell. l. 21. quibus modis ususfr. amitt.* Indefinitè tamen civibus relictum civitati, non singulis civibus relictum videtur. *d. l. 2. ff. de reb. dub.* quamvis in administratore paulo aliter sit constitutum. Hic enim distinctionis ope res dirimenda est: aut ab extraneo legatum proponitur, aut à necessitudine juncto: Priori casu civitati debetur: Posteriori verò personæ contemplatione relictum censetur. Quod & de Episcopo & de Ecclesia Jure Pontificio cautum legimus. *c. requisivisti extra de test.*

## XII.

Sanè error nominis legatum non vitiat, si de persona, cui legatur constet: Si tamen designatio nominis non satis fungatur vice nominis aliud dicendum est. *l. duo sunt Titii* 30. *de test. tut. l. in tempus* 62. § 1. *de ber. instit. l. certum est* 6. *in fin. ibi quatenus.* § 39. *J. b. t. l. si nomine* 4. *C. de test. l. 7. C. b. t.*

A 3

Quia



## XIII.

Quia verò non rarò evenit, ut duobus vel pluribus eadem res ab eodem testatore, sive disjunctim, sive conjunctim, in eodem testamento relinquatur, qui si non concurrant, fit ut accrescendi jus locum inveniat. *l. 63. l. 17. § 1. ff. d. her. instit. l. re conjuncti ff. de leg. 3. § sed si ead. J. b. t. l. 142. de V. S. l. un. C. de caduc. tollend.*

## XIV.

Est autem jus accrescendi (cui in successionebus duntaxat, non item in contractibus locum damus *arg. l. si mihi & Titio 110. ff. de v. o. l. un. C. de Cad. tollend.*) jus, quo pars vacans cedit parti occupatæ *l. un. § bis ita C. de cad. tollend. l. quoties 1. § interdum 3. l. idem Neratius 3. in pr. ff. de usufr. accresc. § sed si eadem J. b. t.*

## XV.

Eiq; in omni conjunctione, sive realis sit, ut primo fundum Tusculanum do lego, secundo fundum Tusculanum do lego; *l. 89. ff. de legat. 3. l. triplici de V. S. l. un. Subi autem § sin vero non omnes C. d. cad. toll. § sed si ead. J. b. t. l. 1. § 3. ff. de usufr. accresc.* sive verbalis, ut primo & secundo ex æquis partibus fundum Tusculanum do lego; *l. 89. ff. de legat. 3. l. triplici ff. de V. S. d. l. un. § bis ita 10. Subi autem C. de cad. toll. l. 16. in fine de legat. 1. sive deniq; mixta ut primo & secundo fundum Tusculanum do lego, quamvis magni Icti variè contradicant, locum relinquimus. d. l. un. § bis ita C. de cad. toll. § 8. instit. b. t. l. 1. l. 3. in pr. ff. de usufr. accresc. l. conjunctim 80. l. 89. v. presertim itaq; ff. de legat. 3.*

## XVI.

Legari possunt res omnes, tam heredis & communes, quam propriae mobiles & immobiles *§ non solum J. d. t.*



*d. t. l. servus § 2. ff. de leg. 1. l. Stichus 36. de usufr. leg. 1. unum  
67. § si rem 6. in fin. de leg. 2. l. 30. § 4. ff. de leg. 3. l. 71 § fin.  
ff. de leg. 1. § 10. J. b. t. Pertinet huc quaestio an mobilia  
legato generaliter facta pecuniae comprehendantur,  
quae in domo vel capsa testatoris reperiuntur, quod ma-  
gis est, nisi pecunia illa foenori vel emtioni, immobiliū  
destinata sit. l. 79. § 1. de leg. 3. junct. l. 69. eo. t. l. 86. in pr. de  
leg. 2. l. 27. § 3. de instructo vel instrum. legat.*

XVII.

Ejusdem farinae & haec controversia est, utrum si  
quis alicui bona sua mobilia, & omnia, quae domo con-  
tinentur, nullo excepto legaverit, nomina etiam debi-  
torum eo legato comprehendantur? Id quod, nisi aliud  
sensisse testatorem legatarius probet, negamus. *arg. l. à  
Divo Pio ff. de re judicat. arg. § l. quinto ff. de auro & ar-  
gento legat. l. quam Tuberonis § in peculio ff. de Peculio l. cho-  
rus § 1. de legat. 3.*

XVIII.

At, quid dicendum, si testator, ut fieri solet in te-  
stamento uxorem suam dominam & fructuariam omni-  
um bonorum simul relinquat, alios verò heredes insti-  
tuat, nuncquid uxori alimenta tantū relicta censentur,  
an usus fructus? Distingve inter filios heredes scriptos  
& extraneos; priori casu alimenta uxori tantum de-  
bentur; posteriori verò usus fructus relictus censetur.  
*Id. in l. Titia cum Testo § Titia cum nuberet ff. de legat. 2.*

XIX.

Res quoque incorporeae, ut servitutis nomen libera-  
tio, rectè legantur. *§ tam autem J. b. t. l. cetera 4. in pr.  
de legat. § ult. J. de usufr. tot. tit. si servit. legat. l. 44. §  
6. de legat. 1. l. 88. § 8. de legat. 2. toto tit. de liberat.  
legat.*



*legat.* Generali tamen liberatione aliarum rerum administratoribus legata non comprehensa censentur ea, quæ actione reali vindicari possunt. Vid. Dd. *ordinariè in l. 28. § ff. de liberat. legat.*

XX.

Sed & res futuræ, si modo vel actu vel potentiâ in rerum natura sint legato in aliquem conferri possunt. *§ ea q. res 7. in v. si modo futura est §. b. t. l. quod in rerum 24. in pr. de legat. 1. l. 15. l. 17. ff. de legat. 3. 7. de tritic. vin.* Hoc loco disputari potest utrum, relicto legato rerum futurarum, si non existat tantum, quantum legatum est, an hæres ad præstationem totius teneatur? Affirmativa sententia nobis non displicet. *per l. 27. § fin. ff. de leg. 3. l. 12. de aliment. & cibis.*

XXI.

Non tamen rectè res legatari propria legato donatur, quia quod proprium est ipsius, amplius ejus fieri non potest. Et licet ab illo alienata fuerit, neq; tamen res ipsa, nec ejusdem æstimatio debetur. *§ si rem §. d. t. l. 13. C. eo. l. cetera 4 § testari 2. de legat. 1. l. Mevius 66. § non solum 3. de legat. 2. arg. l. possideri § ex pluribus 4. de acq. poss. l. non ut ex pluribus 159. de R. J. l. 1. de R. Cat. l. 201. de R. J. C. non firmatur 18. in 6.*

XXII.

Sanè res aliena legato relinqui potest, non tantum jure Justiniano, sed etiam Pontificio, quamvis non pauci dissentiant, ita ut heres cogatur eam redimere & præstare, vel si hoc facere nequeat, æstimationem ejus dare. *§ non solum §. b. t. l. 67. § 8. ff. de leg. 2. l. 10. C. eo. l. 40. l. 114. § 5. eo. l. 39. in fin. de legat. 1. l. 12. de legat. 2. l. non dubium 14. § fin. de legat. 3. Dd. in c. filius ext. de testibus.*

Quod



## XXIII.

Quod autem diximus, alienam rem posse legari, ita intelligendum est, si defunctus sciebat rem esse alienam; secus si ignorabat. Forsitan enim si scivisset, rem esse alienam, non legasset, & ita Divus Pius rescriptit. Coniunctis tamen personis etiam hoc casu legatum præstari debere, ubi simpliciter credebat testator rem esse suam, non dubitamus. § non solum ibi quod autem J. b. t. l. 10. C. eo. l. unam 67. § si rem 6. de legat. 2.

## XXIV.

Quid verò in dubio constituendum, præsumemus-  
ne scivisse testatorem rem esse alienam, vel ignorasse?  
Et verius est, ut Martianus lib. 6. inst. scribit, ipsum qui  
agit, hoc est, legatarium probare debere scivisse alie-  
nam rem legare defunctum. l. verius ff. de probationib. d.  
§ non solum 4. J. b. t. ibi & verius est.

## XXV.

Et hæc tùm demum vera sunt, si rei legata sit com-  
mercium, hoc est, emendi, vendendiq; invicem jus.  
Non igitur rectè legantur res sacræ, hortus Salustianus,  
campus Martius, forum Romanum, & similes. d. § 4. b.  
t. l. 39. § fin. de legat. 1. l. mortuo 49. § Zabeo 2. de legat. 2. Ulp.  
in fragm. tit. 19. § commercium 4.

## XXVI.

Cæterùm si hæredi, vel alii homini rei legata non  
est commercium, tùm heres vel ipsam rem si compara-  
ri possit vel æstimationem præstare tenetur. d. l. mortuo  
bove § sed proculus 3. de legat. 2. l. 114. § 5. ff. de legat. 1.  
Quod si legatarius rei legata careat commercio in tan-  
tum inutile est legatum, ut nec ejus æstimatio debeat-  
tur. d. l. cum servus 39. § 1. l. mortuo 49. § 2. de legat. 2. arg.

B

l. mul-



*l. multum 34. de v. tot. tit. C. ne Cbrist. manc. haret. vel Jud.* Hic tamen non distinguimus inter legata & fidei commissa non item inter scientem & ignorantem testatorem, ut multi faciunt.

XXVII.

Ex his fit consequens, deberi æstimationē legatario, quamvis cōparatio rei sit difficilis, ut si fuerit res Ecclesiastica, totalis, vel pupillaris legata. *arg. d. § 4. E. b. t. junct. l. 39. § 2. ubi indefinite probat Ictus res alienas legari posse ff. de leg. 2. C. cum conting. 28. de jurejur. tot. tit. de rebus eorum.*

XXVIII.

De feudo valdè controvertunt Feudistæ, utrum legari possit; Nos illos verum sentire arbitramur qui existimant feudum legari non posse, ideò ut nec æstimatio debeat. *Dd. in C. un. de success. feud. C. un. § donare quale olim feudum al. pot.*

XXIX.

Emphiteusis tamen ut donari ita legari potest, nec non res hostium. *arg. l. 71. § ult. ff. de legat. 1. l. l. 39. § 7. eo. l. 2. 19. de v. s. l. 14. § possessor qui satisfac. cog.*

XXX.

Porro relinquuntur legata & fideicommissa in quavis ùltima voluntate verbis quibuslibet tam specialiter, quàm generaliter, quale legatum debetur, si testator ejusmodi res in hereditate requirit, electione regulariter penes legatarium existente. *§ sed non usq. J. b. t. l. omne 2. C. comm. de legat. § praterca J. de fideic. her. § sed ex constitutionib. 3. sed relatè J. b. t. quoniam 15. C. de test. l. 49. l. is cui fundus 54. l. Mævius 66. § 3. ff. b. t. § si generaliter 22. J. b. t. l. 71. in pr. ff. de legat. 1. l. cum post 6. § gener. socero ff. de jure dot. l. 71. in pr. ff. de legat. 2. l. servus*  
108.



108. § cum homo ff. de legat. 1. l. si cui simplicius 9. ff. de servit.  
l. fin. § 1. C. com. de legat.

XXXI.

Et ab arbitrio testatoris dependet, utrum purè da-  
re legare velit, an sub conditione. l. 1. § 1. in pr. ff. de  
cond. & demonstr. l. omnia 32. in pr. de leg. 2. l. heres 79. § 1.  
ff. de cond. & demonstr. Legatum autem sub conditione  
relictum ea demum existente debetur; Vnde legatarius,  
si ante conditionem existentem decedat, legatum ad  
heredes non transmittit, secus quam est in contracti-  
bus constitutum. l. si cum heres 4 ff. qu. dies legat. ced. arg.  
l. 5. C. de condit. insert. § 4. J. de v. o.

XXXII.

Hoc loco elegantem nec minùs difficilem quæstio-  
nem proponimus: An legatum dotis causâ factum sit  
conditionale, an purum, an verò modale? Et conditio-  
nale esse, verior est sententia. l. si 21. de v. o. l. 41. de jur.  
dot. l. 3. l. 9. l. 48. de jur. dot. l. 31. l. 71. l. 91. de condit. & de-  
monstr. l. 24. C. de nupt. Nov. l. 123. c. 37.

XXXIII.

Frequens quoq; est illa controversia, nec à proposito  
nostro aliena. Si testator legaverit uxori usumfructum,  
sub conditione, si castè & vidualiter vixerit & post ejus  
mortem Titio: Vtrum Titio, si uxor postea nubat sta-  
tim debeatur ususfructus? Id quod arbitramur.

XXXIV.

Legatum tamen ususfructus omnium bonorū uxori  
relictum sub conditione si castè & honestè vixerit, &  
non adjecto eo, si in viduitate permanserit, non amitti-  
tur per transitum ad secundas nuptias. l. secunda C. de  
viduit. tollend. Dd. communiter in l. mulier § cum proponere  
2. arg. illius textus ff. ad SC. Trebell.

B 2

Inter-



XXXV.

Interdum quoq; legatis pœna, dies & modus adjicitur, & quidem sub modo relictum legatum peti eundem potest, sed præstitâ cautione Mutiana de implendo. *tot. tit. C. de his quæ pœn. nomine § fin. J. b. t. l. 40. § fin. ff. de cond. t. & demonstr. l. 1. § 1. ff. eo. l. 20. § 1. ff. de condit. & instit. l. 5. § 1. ff. qn. dies legat. ad. l. un. § cum igitur C. de ead. toll. l. eas 8. ff. de condit. & demonstr. l. 19. ff. de leg. 3.*

XXXVI.

Illud est difficile definire, utrum & quatenus in arbitrium tertii legatum conferri possit? Nos distinctione rem explicamus.

XXXVII.

Aut in arbitrium legatarii confertur, & valet, aut in alterius tertii absolutam voluntatem & validum non est. *l. 52. ff. de condit. & demonstr. l. 32. ff. de her. instit. Quomodo nec rectè in absolutum arbitrium heredis confertur. l. 8. ff. de O. & A. l. 7. § 1. ff. de reb. dub. conf. l. 11. § 7. de leg. 3.*

XXXVIII.

Effectus legatorum vel in eo potissimum consistit, quod rectâ viâ ipso jure à morte testatoris dominium in legatarium transit. Quod ramen verum non est, si vel res aliena fuerit legata, vel quantitas. Sed nec in alternativis legatis ante electionem dominium transferatur. *l. 6. 4. ff. de furt. l. si mulier 3. § si rem 2. ibi quod dominium nanciscitur statim de legat. 3. l. si post 50. § ita 1. qu. dies legat. legatum 80. de legat. 2. Dd. in l. 1. ff. de legat. 1. l. 1. de publ. in rem act.*

XXXIX.

Diximus dominium in legatarium ipso jure transire,



ire, ut significemus aliter se rem habere in possessione. Nec potest legatarius hanc propriam autoritate apprehendere, sed competentibus in eam rem actionibus utatur necesse est. *l. 5 C. de legat. in pr. J. b. t. ibi ab herede prestanda l. 47. in pr. de legat. 1. l. 116. eo. l. 1. Et tot. tit. quod legator. l. 176. ff. de R. J.*

X L.

Competunt autem legatario legati persequendi causa una cum accessionibus & fructibus à tempore moræ, actio personalis, rei vindicatio & actio hypothecaria. § 2. *J. b. t. l. 1. C. com. de legat. l. si servus 108. § cum homo 2. de legat. 1. l. 69. § fin. l. 82. in pr. l. 91. § fin. de legat. 1. l. 29. § si heres de legat. 3. l. 84. l. 87. § 1. l. qui solidum 78. § etiam 2. de legat. 2. l. 2. § bellissime ut legat. nom. cav. l. 92. de condit. & demonstr. l. in fideicommissum 3. us. ceterum in pr. de usur. Dd. in l. 39. § fructus b. t. quam tamen cave existimes in ipsa re legata, ut nonnulli crediderunt, competere l. neque pignus 45. ff. de R. J. l. si rem alienam 29. ff. de pign. act. l. 30. ff. de except. rei judic.*

X L I.

Valdè hic disceptari solet, utrum actio personalis cum hypothecaria rectè in eodem libello possit cumulari? Affirmativa, quæ notoria totius Germaniæ consuetudine est recepta, verior est. *arg. Nov. 4. c. 2. vers. contra.*

X L II.

Superiori quæstioni difficultate non cedit illa controversia, utrum legatarii pro consequendis legatis paratam habeant ex Testamento executionem? Id quod negamus. § *nostra autem J. b. t. d. l. 1. C. com. de legat. l. fin. C. de edict. D. Had. toll.*



XLIII.

Nunc videamus, quomodo legata vel infirmentur, vel diminuuntur. Infirmantur verò legata testamento infirmato; quamvis hodie si querela in officiosi testamenti testamentum rescindatur, legata salva remaneant. *Nov. 115. c. 3. in fin. & c. 4. in fin. Auth. ex causa C. de liber. praterit.* Hoc nonnulli extendunt ad præteritionem quæ ipso jure testamentum nullum constituit quibus cum non facimus. § 1. *J. de exher. liber. l. 17. junct. l. 1. ff. de injust. rupto l. inter cetera ff. de liber. Et postb. Namq̄ Nov. 11. § C. 3.* ad præteritionem veram quæ testamentum ipso jure constituit nullum haud pertinet.

XLIV.

Legatum quoque expirat, si testator vel expressè vel tacitè illud revocaverit. *l. 32. § 3. de donat. inter virum ut ux. l. 27. C. de testament. tot. tit. de adin. l. 5. l. 18. l. 3. § fin. cum similibus ff. d. t.*

XLV.

Unde si testator nullâ necessitate urgente rem legatam alienaverit, legatum revocasse putatur, nec illud redintegrabitur, si forte testator rem legatam redemerit. *l. 18. ff. d. t. l. 15. ff. eo. l. 11. § 12. ff. de legat. 3. § 12. J. b. t. l. 22. ff. d. t. § tam autem J. b.*

XLVI.

Diminuuntur legata ex Lege Falcidia quâ heredibus hereditate ultra Dodrantem legatis vel fideicommissis particularibus onerata quartum detrahere licet. *l. cum filia 41. ff. de vulg. & pupill. substit. ubi gl. l. lex Falcidia 47. § nunquam ff. ad l. Falc. l. 1. ff. d. t. in pr. J. eo. l. in quantitate 37. § ergo ff. eo.*

Quæ



XLVII.

Quæ cum quarta hereditatis sit, apparet non imputari in eam, nisi quæ jure hereditario capiuntur, non quæ jure legati fidei commissi, vel conditionis implenda causa. *l. in quartam 91. ff. ad L. Falc. l. quod autem 74. ff. eo. l. pater ibi jure hereditario 14. ff. b. t. l. 42. ibi jure testamenti de vulg. pupill. substit. l. 24. C. fam. Ercisc. l. qui non militabat ff. d. t. l. 76. ff. eo. l. in ratione 30. § tametsi.* Vnde difficilis enascitur quæstio; Anne prælegata quæ partim à coherede, partim ab herede ipso inutiliter sunt relicta pro portione heredis gravati in Falc. impudentur. Negant hoc multi, quibus non subscribimus. *l. 18. § ult. ff. de his quib. ut indign. arg. miles 75. § ult. l. 77. in pr. ff. de legat. 2. l. si Titius 96. ff. de legat. 3. l. 58. § 3. ff. ad SC. Trebell. l. 25. § ult. cum seq. ff. fam. Ercisc. l. in ration. 11. in pr. l. ex asse 52. § 1. ff. ad L. Falc. l. in duplicib. 78. ff. d. t. l. non esse dubium 90. cum seqq. d. l. 78. d. t. l. plane § 17. l. 116. § 1. ff. de legat. 1. l. 74. ff. ad l. Falc.*

Corollarium.

Mandatarius regulariter ex naturâ contractus mandati levissimam culpam præstat negotiorum gestor ex natura quasi contractus non æquè.

F I N I S.



XVII  
The first of the ...

The second of the ...

The third of the ...

The fourth of the ...

F. W. ...

The fifth of the ...













00 A 6440

ULB Halle 3  
002 937 344




VD17


Reho ✓











27

A

JURIDICA  
 MENT I  
 s, & fideicom-  
 ularibus,  
 LENTE  
 de  
 O HACHEL-  
 & Facultatis Ju-  
 ario, etc.  
 d diem 5. Maji publi-  
 submitto,  
 A TROTTA,  
 lisen.  
 ) So  
 BERGIANIS,  
 ohan Glück/  
 DC. XIV.